

BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO FINANSIJA  
FEDERALNO MINISTARSTVO FINANSIJA  
SARAJEVO

BOSNIA AND HERZEGOVINA  
FEDERATION  
OF BOSNIA AND HERZEGOVINA  
FEDERAL MINISTRY OF FINANCE  
SARAJEVO

Bosna i Hercegovina  
Federacija Bosne i Hercegovine

PARLAMENT FEDERACIJE  
SARAJEVO

Sarajevo, 20.05.2026. godine

Broj: 06-02-4-2623/26

Primljeno: 04-06-2026			
Org. jed.	Broj	Priloga	Vrijednost
05/11	-02-	97	1/26

**VLADA FEDERACIJE BOSNE I HERCEGOVINE**

**PREDSTAVNIČKI DOM FEDERACIJE BOSNE I HERCEGOVINE**

**PREDMET:** Poslaničko pitanje - odgovor, daje se

**VEZA:** Akt Vlade Federacije Bosne i Hercegovine  
broj: 03-04-555-26/2026 od 17.03.2026. godine

Poštovani,

Vezano za vaš akt, broj i datum veze, u kojem se traže odgovori na poslanička pitanja koja je dostavila Mirjana Marinković - Lepić, zastupnica u Predstavničkom domu Parlamenta Federacije Bosne i Hercegovine, kojim su postavljena pitanja vezana za inicijativu iz Zaključka broj 12. Izvještaja Parlamentarne komisije odgovorne za reviziju o revizorskim izvještajima revidiranih subjekata i korisnika Budžeta Federacije BiH za 2021, 2022. i 2023. godinu, ističemo sljedeće:

U postupku pripreme i izrade budžeta, svake godine, u skladu sa vremenskom dinamikom budžetskog kalendara, kroz održavanje sastanaka sa budžetskim korisnicima ističemo primjedbe i preporuke donesene od strane Ureda za reviziju institucija u Federaciji Bosne i Hercegovine, koje se odnose na korisnike. S tim u vezi, skrećemo pažnju budžetskim korisnicima na potrebu uvažavanja i poštivanja istih.

Nadalje, po preispitivanju i sagledavanju segmenata finansijskog poslovanja kazneno - popravnih zavoda, u ovom slučaju poslovanja privrednih jedinica kazneno - popravnih zavoda izvan sistema Jedinog računa trezora, Federalno ministarstvo finansija je još tokom 2020. godine uputilo instrukcije kazneno - popravnim zavodima da transakcijski računi otvoreni kod komercijalnih banaka moraju biti zatvoreni, te da se po zatvaranju istih i zahtjevu budžetskih korisnika, a u skladu sa Zakonom o trezoru u Federaciji Bosne i Hercegovine otvore podračuni u okviru JRT za prikupljanje namjenskih prihoda, primitaka i donacija i njihovo namjensko trošenje, čime bi bilo nastavljeno poslovanje.

U toku 2025. godine Federalnom ministarstvu finansija na nadležno postupanje dostavljeni su Nacrti Pravilnika o vrstama vlastitih javnih prihoda, pravnom osnovu ostvarivanja, te namjeni i trošenju istih za kazneno – popravne zavode, kojim se jasno definišu vrste javnih prihoda iz člana 5. i 6. Pravilnika o vrstama vlastitih javnih prihoda u Federaciji Bosne i Hercegovine („Službene novine Federacije BiH“, broj 104/22), koje budžetski korisnici ostvaruju, pravni osnov njihovog ostvarivanja kao i namjena i način trošenja.

U konačnici, Vlada Federacije Bosne i Hercegovine je početkom marta 2026. godine, utvrdila Odluke o davanju saglasnosti na gore navedene Pravilnike, pa je Federalno ministarstvo finansija uputilo jasne instrukcije budžetskim korisnicima da u toku pripreme i izrade Dokumenta okvirnog budžeta za period 2027.-2029. godine planiraju vlastite prihode i rashode koji će se finansirati iz istih, a navedeni su u Pravilnicima.

Uvidom u dostavljene tabele pregleda i prioriteta za period 2027.-2029. godina kazneno - popravnih zavoda, utvrđeno je da su u svojim finansijskim zahtjevima planirali vlastiti prihode i rashode, na način kako je usaglašeno kroz usvojene Pravilnike o vrstama vlastitih javnih prihoda, pravnom osnovu ostvarivanja, te namjeni i trošenju istih.

Federalno ministarstvo finansija će, u skladu sa svojim nadležnostima pristupiti sveobuhvatnoj analizi finansijskih zahtjeva, te utvrditi gornje granice rashoda za period 2027.-2029. za sve budžetske korisnike.

S poštovanjem,

**MINISTAR**  
**Toni Kraljević**

